




ADMODVM REVER. IN CHRISTO PATRI

F. NICOLA O
MAGDALENO

CAPIFERREO

SACRÆ THEOLOGIÆ MAGISTRO

*Cænobij Viterbiensis Dine Mariæ ad Grady
Ordinis Prædicatorum
Priori Meritissimo.*




F. MICHAEL RAINVTIVS FOELICITATEM.

PRODIT à luctu in lucem, ex atro doloris
amictu in splendorem nominis Magdale-
næ atrata hæc, ac inter ipsas ex-quias nata
oratio. Lucem quidem illa refugiebat inter
ipsas funeris tenebras orta, eodemq; cum
fratre tuo sepulcro obrui cupiebat, ne diu-
tius quam ille viueret, è cuius funere vitam hauferat.
Eiicit tamen singulare meum in te, ac Fratrem tuum stu-
dium,

dium, ipsoq; auctore reclamante, ac tumultuarium al' quot
 horarum opus esse causante, eam sub tuo nomine emisi, ut
 quam prius à fratre tuo lucem accepit, à te deinceps sit ha-
 bitura. Ea est enī vel virtutum tuarum, vel familiae tuae
 claritas, Nicolae Magdalene, ea praeclarissimarum lau-
 dum ornamenta, & argumenta, ut solo Magdalenorum
 nomine se tegere possit, ac tueri. Et sanè, qua ad sepulcrum
 fratris tui vitam accepit, nunquam sub nomine tuo mortem
 pertimescet. Habebis igitur Nicolae Magdalene pignus
 hoc quaecumq; mea in te, ac nomen tuum obseruantia, cui
 quidem ita me ab in eunte aetate addixi, ut ne in mæsto
 quidem ac lugubre argumento testandi amoris mei occasi-
 onem omittendam putarim. atq; utinam deinceps in lato
 possim, quod in mæsto, ac lugubri amor coegit: profecto
 intelliges quantum tua causa velim, qui ipsum doloris ar-
 gumentum in argumentum amoris rapuerim. Vale.
 Datum Tiberis die 1. Septembris 1632.

ORATIO





ORATIO.

A Cerbum, ac luauosum FRANCISCI
MAGOALENI religiosissimi viri
interitū existimatē, Auditores, si pre-
ter corpus, quod solum in eo mor-
tale fuit, quicquam extinctum occubisset; siq;
vno eodemq; sepulcro immortalis eius fama
vnā cum corpore obruta esset: flerem, & iustas
lachrimas darem, si quicquam in tanto viro def-
lendum esset, in quo nihil vnquam lachriman-
dum, aut lamentandum, vel prior reperit etas,
vel reperiet posteritas, nisi hoc forsan, quod nō
licuerit etiam posteritati tanto viro frui, qui sem-
per mortalibus linquendus erat, nisi esset ipse
mortalis. mortalis quidem, quia ea natus con-
ditione, sed mutauit ipse iura naturę, & quam
illa negauerat immortalitatem, ipse sibi virtuti-
bus peperit. Debet ergo naturę, nihil, nisi quod
mortalis natus est; debet virtuti suę, quod im-

mortalis effectus, ne in morte quidem quicquā
 amiserit nisi mortalitatem, nisi terram, nisi ter-
 renas exuias; si tamē de terra quicquā habuit,
 qui terram omnem iamdudum exuerat. utinam
 parem immortalibus meritis præconem nactus
 famam suam fruendam præberet, quam dum sē-
 per suppressit, dum eodē sepulcro obrui voluit,
 effecit, ut nunquam ipsa sepulcrum sit habitura:
 viuet tamen etiam in sepulcro Francisci fama, sē-
 perq; Francisci nomen non tam sepulcrali in la-
 pide incisum legetur, quā perpetua famę buc-
 cina super ipso sepulcro personabit; quid enim
 Deus immortalis! an vnquam extingui poterit
 tantum sapientiæ lumen? an vnquam obliuio-
 ne obrui tantum sanctimonix exēplar? an vn-
 quam occidere tantum doctrinæ oraculum, in
 quo nihil vnquam obscurius fuit; quā summa
 generis claritas, nihil ignotius, quā summa
 nobilitas, nihil magis contemnendum, quā
 summi honores; nihil minus suspiciendum, quā
 prestantissimæ naturæ dotes, cū omnia ipse vna
 virtute obruerit, atque obscurauerit. felix Fran-
 ciscus, in cuius laudibus ne locū quidem sunt ha-
 bitura, quę in alio quolibet speciosissima essent:
 felix, in cuius laudibus ne memoranda quidem
 sunt, aut familiæ splendor, aut auita maiorum
 glo-

gloria, aut stemmata Magdalenorum, aut ducta
ab Uirginis prolapia, aut indoles suavisissima, aut
præclarissima ornamenta naturæ. Iola virtus Fran-
cisco immortalitatem augurabitur, æternumq;
excitabit Mausoleum etiã in angusto sepulcro;
in quo nihil leget sera posteritas, nisi monimen-
ta virtutis.

Iam adolescens, cum acerrimis virtutum sti-
mulis vrgeretur, è clarissimæ familiæ splendo-
re in Dominicanum candorem translatus osten-
dit quantum Dominici niues vel ipsis purpuris
præstent. Nihil illo vel ad pietatem ardentius,
vel ad modestiam demissius, vel ad sanctitatem
religiosius, vel ad disciplinam exactius. Doce-
bat non discebat virtutem etiã num Tyro; nec
erat illud rudimentum aut tyrocinium: nunquã
enim rudem virtutem, nunquam tyronem ani-
mum gessit Franciscus, in quo præter ætatem,
nihil unquã fuit non maturum, atq; perfectum.
in tyrocinio veteranus, inter rudimenta rude
donatus, ante militiam emeritus, ante proba-
tionem probatissimus.

At hec sunt præludia rerum magnarum.

Vix adolescentulus Diuinis, humanisq; litte-
ris operam dederat, cum prius pene doctor,
quàm discipulus eas ipsas litteras publicè tanta
cum

cum laude professus est, ut nihil in summo philosopho, prestantiq; Theologo, preter ætatē, deesset. atque hoc ipsum magis mirandum est, solam ætatem tardam fuisse in Francisco, cum cetera omnia properarent, atq; confluerent; & cum nondum, per ætatem sacris initiari liceret sacras tamen litteras, ac Thomam suum publice prælegisse.

Impleuit, & summi oratoris munus sacris ad populum concionibus habendis, meritoq; magistri insignibus decoratus est, qui nullam non partem sapientissimi, doctissimiq; viri expleuit, nimirum præstantium ingeniorum est, quancumq; in partē se vertant, summum decus referre, quare si ad populum orandū erat, nihil illo eloquentius; si disceptandum in scholis, nihil ingeniosius; si honores gerendi, nihil modestius; si provincia administranda, nihil vigilantius; si religiosi viri partes omnes explendæ, nihil unquam sanctius, ac religiosius. nullum igitur munus, nullam dignitatem effugere potuit, qui nullam non præclarissimè gesit. nunquam tibi licuit vacare Franciscæ Magdalene, cum tua virtus aliam ex alia dignitatem ingereret, teq; in publicam lucem euocaret. nunquam tibi licuit vacare, quem modò sacri indicis Congreg. a secretis

cretis vidimus Pauli Pontificis iussu, modo Græ-
cæ iuuentutis moderatorē, modò instituto ē Ty-
ronum, modò præclarissimi illius D. Mariæ su-
per Mineruā Cœnobij patrem, rectoremq; me-
ritissimū; ne non omnia in Domo Palladis, atq;
Mineruz munia obires, qui Palladem semper,
atq; Mineruam amicissimam habuisti. præfecit
te domui suæ Mineruæ, ut si vnquā, tunc maxi-
mè Mineruz domus esset, cui tu tamquam al-
ter Apollo præesses.

Nunquam tibi licuit vacare Francisco, quem
publica, quem priuata munia ad se trahebant;
quem Urbanus Pontifex in Præsulum numerum
cooptauit; cui non semel Prouincia data est, ut
Prouinciā administrares vniuersam, quasi va-
stum illud Mineruz Domicilium angustū esset
tantæ virtuti. Angustū profectò, auditores, an-
gustum Francisco Magdaleno fuit munus illud
amplissimum, totaq; Prouinciæ moles, quam
quanta cum laude gesserit, vel illud argumento
est, quòd Urbani Pontificis iussu illi prorogatū
est imperium, quasi vnus tanto muneri geren-
do esset aptissimus. nihil illo vnquam vrbanius,
nihil in subiectos benignius, in se solum asper,
ac rigidus totam beneficentiæ vënam ceteris ser-
uauerat. Argumento sunt assidua penè ieiunia,

assidua

assidua in carnem sœuitia, dū totis etiā quatuor-
 decim annis carnis vsum, ac esum sibi omnino in-
 terdixisset. solemne ei erat ex Idibus Octobribus
 ad festū vsq; Paschę diem rigidum sibi ieiunium
 indicere; nullumq; pene aut Christo seruatori,
 aut Deiparę Virgini, aut cęlitibus cæteris sacrum
 diem, nisi premisso ieiunio celebrare, Idq; ciba-
 rio tantū pane, ac frigida contentus aqua pera-
 gebat. ergo inter assiduos labores, molemq; cu-
 rarum dum Prouinciam sanctissimè administra-
 ret, ac omoibus magis, quàm sibi consuleret, cui
 omni exceptione maior, ac hostibus etiam de-
 flendus pridie Idus sextiles maximo omnium
 luctu, sensuq; doloris exctintus est. Amisimus,
 heu dolor, Amisimus virum omnium existima-
 tione maximum, præterquam sua; virum domi
 forisq; clarissimum, & nulla re minus Romanū
 quàm patria: virum, in quem natura, in quem
 fortuna contulit quęcumq; potuit, sed sola vir-
 tus, quę, maxime voluit: virum in quo ne-
 scias quid laudes, quid non laudes, qui sum-
 mis Pontificibus casus, Romę suspiciendus, atq;
 ipsa inuidia maior immortalem sui memoriam
 posteritati reliquit. Utinam vobis, patres reli-
 giosissimi, utinam tibi clarissima Magni Domi-
 nici familia pro dignitate gratulari possem, quę
 tales